



## **Paraenesis De Eleemosyna**

**Alardus <Aemstelredamus>**

**[Köln], 1545**

**VD16 A 1250**

Cu[m] gaudio & hilaritate pauperibus opitulandu[m] esse.

---

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)



## DE ELEEMOSYNA.

**A**ugustini in Psalmum quadragesimum secundum enarratio: Si fregeris ex animo esurienti panem, quia plerunque fit à triftibus & à murmurantibus, ut careant tædio interpellantis, non ut reficiant uiscera indigentis. Hilarem autem datorem diligit deus. Si panem dederis triftis, & panem & meritum perdidisti. Ergo ex animo fac, ut ille qui intus uidet adhuc loquente te, dicat: ecce adsum. Quam celeriter accipiuntur orationes boni operantium, & hæc iustitia hominis in hac uita, ieiunium, eleemosyna, oratio. Vis orationem tuam uolare ad deum? Fac illi duas alas, ieiunium & eleemosynam.

*Cum gaudio & hilaritate pauperibus opitulandum esse.*

**C**hrysoftomus in caput Geneseos 15. homilia 36. Neque pecuniarum sumptus tantum spectemus, si quando opus est eas pauperibus erogare, sed potius quantum inde nobis accrescat. Ea enim de causa semini eleemosynam comparauit diuina scriptura, ut cum gaudio & multa alacritate eam operemur. Nam si ij qui semina terræ concredunt, & unica, & intus reposita spergentes, ita negotiantur, & bona spe fouentur, & nunc manipulos imaginantur ac plenas areas, multo magis quibus datum est semen hoc spirituale seminare, gaudere & exultare conuenit, quod messuri in cælo hoc quod in terra ferunt, & nummos expendunt, peccatorum autem remissionem accipiunt, & fidutiæ materiam inueniunt, concilians sibi per ea quæ hic dant, perpetuam quietem, & cum sanctis conuersationem.